


AWIG - AWIG DESA PEKRAMAN ABIANBASE



KELURAHAN : ABIANBASE
KECAMATAN : GIANYAR
KABUPATEN : GIANYAR

MANUT PIDAGING

	Widang
I. PIDAGING	i
II. PRATHAMA SARGAH ARAN LAN WEWIDANGAN DESA PAKRAMAN ABIANBASE	1
III. DWITYA SARGAH PATITIS LAN PAMIKUKUH	2
IV. TRITYA SARGAH SUKERTA TATA PAKRAMAN	2
Palet 1 Indik Krama	2
Palet 2 Indik Prajuru lan Dulun Desa (Sabha Desa)	5
Palet 3 Indik Kulkul	9
Palet 4 Indik Paruman	10
Palet 5 Indik Druwen Desa	11
Palet 6 Indik Sukertan Pamitegep	12
Kaping 1 Karang, Tegal lan Carik	12
Kaping 2 Pepayonan	12
Kaping 3 Wewangunan	13
Kaping 4 Wewalungan	14
Kaping 5 Bhaya	14
Kaping 6 Panyanggran Banjar	16
V. CATHURTAS SARGAH SUKERTA TATA AGAMA	16
Palet 1 Indik Dewa Yadnya	16
Palet 2 Indik Resi Yadnya	19
Palet 3 Indik Pitra Yadnya	20
Palet 4 Indik Manusa Yadnya	24
Palet 5 Indik Bhuta Yadnya	25
VI. PANCAMA SARGAH SUKERTA TATA PAWONGAN	27
Palet 1 Indik Rare Embas	27
Palet 2 Indik Pawiwahan	27
Palet 3 Indik Nyapian	29
Palet 4 Indik Sentana	30
Palet 5 Indik Warisan	32
VII. SAT SARGAH WICARA LAN PAMIDANDA	33
Palet 1 Indik Wicara	33
Palet 2 Indik Pamidanda	34
VIII. SAPTAMA SARGAH NGUWAH-NGUWIHI AWIG-AWIG	35
IX. ASTAMA SARGAH SAMAPTA	35

MURDHA CITTA

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, asung kerta wara nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotaning Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama Wisesa, maka jiwa desane;
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti;
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring Sabha Krama Desa Pakraman Abianbase.

Pamutus saba inucap pinaka sepat siku-siku pematut, wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA PAKRAMAN ABIANBASE

Pawos 1

- (1) Desa Pakraman puniki mawasta Desa Pakraman Abianbase.
- (2) Jebar kakuwub wawidangannya mawates nyatur :
 - ha. Sisih Wetan ring Desa Pakraman Tegal Tugu.
 - na. Sisih Kulon ring Desa Pakraman Tedung.
 - ca. Sisih Lor Desa Pakraman Gianyar.
 - ra. Sisih Kidul ring Desa Pakraman Serongga.
- (3) Desa puniki kawangun antuk karang ayahan Desa lan karang gunakaya kaepah dados 4 (petang) bebanjaran soang-soang sinanggeh banjar luwire :
 - ha. Banjar Pakraman Kajakauh.
 - na. Banjar Pakraman Kelodkauh.
 - ca. Banjar Pakraman Pekardelan.
 - ra. Banjar Pakraman Semeton Satria.

- (4) Banjar wenang kaepah antuk tempekan-tempekan manut kaiguman banjar inucap (pawilangan).

DWITYA SARGAH PATITIS LAN PAMIKUKUH

Pawos 2

Desa Pakraman Abianbase ngemanggehang pamikukuh minakadi :

- ha. Pancasila;
- na. Undang-Undang Dasar 1945 pamekas pasal 18;
- ca. Paswara sang wawangrat nganinin indik Desa Pakraman;
- ra. Tri Hita Karana manut sada cara Agama Hindu.

Pawos 3

Luwir Patitis Desa Pakraman Abianbase.

- ha. Ngukuhang miwah ngrajegang Sang Hyang Agama;
- na. Nginggilang tata Prawertine maagama;
- ca. Ngrajegang kasukertan Desa saha pawongannya sakala lawan niskala.

TRITYA SARGAH SUKERTA TATA PAKRAMAN.

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane sampun mabanjar maagama Hindu ngamong karang ayahan Desa utawi karang gunakaya, utawi jenek mapumahan ring sawidangan Desa Pakraman Abianbase.
- (2) Sajaba pufika sinanggeh tamiyu, sane kabinayang dados kalih inggih punika:
 - ha. Tamiyu/pengempian sane maagama Hindu;
 - na. Tamiyu/pengempian siwotan ring maagama Hindu.
- (3) Tamiyu sane jenek mapumahan ring sawidangan Desa patut sareng pasuka dukaan.
- (4) Indik anggahe ungguhin tamiyu/pengempian punika manut pararem.

Pawos 5

Krama Desa Pakraman Abianbiase wonten petang pawos, luwira :

- ha Krama ngarep penyeledi ayah, inggih punika kulawarga sane dados penyeledi ayah saking guru rupakanya,
- na Krama ngarep tan penyeledi ayah, inggih punika kulawarga sane sampun mawiwaha,
- ca Krama bala, inggih punika krama sane katinggal sede olih lanang utawi istri nyane utawi sangkaning nyapihan krama bala mucap kabinayang dados:
 - 1. Balu makrambian inggih punika bala sane maduwe sentana dereng marabian utawi dereng antes ngayah.
 - 2. Balu ngalisting, inggih punika bala punika sane tanpa sentana.
- ra Krama tapukan, inggih punika kulawarga manut aksara ha utawi na ring ajeng sakewanten dereng antes ngayah (dereng mayusa 17 warsa), utawi salami kantun masekolah malarapan ilikite pastika saking sakolahnya (manut pararem, utawi durung mawiwaha).
- ka Krama roban, inggih punika (kerab kundul) sang sapa sira ugi manut sakadi kewentenan ring sor puniki:
 - (ha) balu pangele tanpa oka;
 - (na) tapuk pangele;
 - (ca) nyade yening yusa lintang ring 65 warsa;
 - (ra) cacad angga sarira;
 - (ka) mulih deha toruna (sampun nyapihan marabi).

Pawos 6

Ngawit Dados Krama Desa

- ha Sangkaning ngamong karang tur jentik mapamahan utawi manut pararem;
- na Mawit pawiwahan/makulawarga.

Pawos 7

Pamameya todun makrama Desa.

- ha Nyabtan ratuna Buda Kraman Dunggahan manut 6 (enam) taun saking pawiwahan utawi manut pamasa Baquet.
- na Jentik mapamahan manut pamasa Baquet.

Pawos 8

Sahanamin Krama Desa Pakraman kene inggihan luhur.

- ha Ayah ngarep, ngagatgeta uruman lan apuhun manunggal.
- na Ayah bala, ayah tan uruman manut kahanan bala mucap.

- ca. Ayah tapukan, keni urunan mamungkul;
- ra. Prade rikalaning ngayah wenten sinalih tunggil krama matilar tanpa sadok sadereng puput karya, wenang krama inucap keni pamidanda manut pararem. (tanjek laler kawastaning).

Pawos 9

Swadharma Krama, sewosan ring tategenan, luwire :

- ha. Tinut saturut ring sadaging awig-awig, pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos 10

Swadharma Tamyu/pengempi, luwire :

- ha. Nyadokang raga ring prajuru arahina sesampun jumenek malarapan antuk ilikita :
pastika saking desane utawi sang ngawawenang;
- na. Tinut Saturut ring yasa kartin Desane;
- ca. Tan piwal ring sadaging Awig-awig, pararem lan paswaran Desa;
- ra. Yan tan satinut pacang kairid (tan kadadosang jumenek ring Desa).

Pawos 11

Piolihi-olihi krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg prajuru, manut pararem.

Pawos 12

Krama Desa Pakraman Abianbase kadadosang :

- ha. Mapoangkid utawi tan tedun;
 - 1) Rikala mayadnya, matepetan rare, sungkan kaluasan lan siyosan punika manut pararem;
 - 2) Kengin tempo wantah apisan, sajawanin wenten wak-wakan saking prajuru Desa.
- na. Nyada mapiteges ngamademang ayali, risampun mayusa 65 warsa, tur tan dados nyuksukin, sang nyada mangda digelis (sajeronin a warsa) mangda nyantenang panyeledihi;
- ca. Nyade utawi nyuksukin, sane kawenangan risampun manggeh deha-teruna utawi mrasidayang nganutin krama;

- ra. Nutug ayah antuk arta brana, scantukan kapialang utawi ngentosan ayah-ayah antuk arta brana manut pararem banjar.

Pawos 13

Wusan dados Krama Desa, luwire :

ha. Sangkaning :

- 1) Pinunas ngraga, manawi kesah kadura desa utawi ngalangkungin segara;
- 2) Kanorayang, duaning sampun tan prasida ngesehin solah maprawerti satata nguwig pamargin awig-awig Desa miwah pararem Banjar;
- 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruwen Desa;
- 3) Tan polih pasayuban sajroning ala ayu;
- 4) Sang wusan makrama desa/banjar prade mawali malih patut nawur saurah arih tategenang krama, lan nawur penanjung batu manut pararem.

ca. Sang wusan sangkanin kanorayang, prade mawali malih patut :

- 1) Muntasang saluwir pamidanda utawi tategenan sane ngranayang kanorayang;
- 2) Nunas geng pangampura ring paruman desa maduluran panyangaskara atur pesaksi panyapsap kaiwangan duwaning nguwak pasubaya pecak;
- 3) Nawur pamogpog manut pararem;
- 4) Polih polih-olihan pateh sakadi krame desa siosan, utawi manut pararem.

Palet 2

PRAJURU LAN DULUN DESA (SABA DESA)

Pawos 14

- (1) Desa Pakraman Abianbase kaenter oleh Bendesa Pakraman;
- (2) Saba Desa Pakraman kaenter oleh Manggala Sabha Desa;
- (3) Banjar Pakraman kaenter oleh Klian Banjar;
- (4) Tempekan kaenter oleh kelian tempekan;
- (5) Bendesa lan Klian Banjar patut :

ha. Mawit krama Desa kajangkepin antuk :

- 1) Uning ring aksara Latin utawi Bali;
- 2) Uning ring tata titining mawa desa;

- 3) Uning ring paritindik Agama lan Pakraman;
 - 4) Lascarya ngayuh tur madruwe parilaksana sane rahayu.
- na Kadegung malurapuh antuk kacatri olèh paramunnya soang-soang nyabran 5
(limang) warsa, sajawating wenten paritindik nyos, tur dados kacatri malih.
- ca Maduluran dewa saksi ring Pura Bale Agung.

Pawes 15

(1) Bendesa keabih olih

- na Saba Desa utawi parajuru Desa;
- na Patajuh utawi Pangliman pinaka wakilnya;
- ca Panyarikan pinaka juru swala patra;
- ra Patengen utawi juru raksa pinaka pangamong druwen desa;
- ka Klian Banjar pinaka pangenter ring banjaranya.

(2) Kasinoman manut pararem Banjar.

(3) Sajeroning ngenterang kasukertan niskala, Bendesa mingsinggihang Pamangku Kahyangan Desa utawi sang Rumaga Sulinggih.

Pawes 16

Manggalaning Sabha Desa keabih olih

- na Patajuh utawi Pangliman pinaka wakil,
- na Panyarikan juru swala patra,
- ca Angga Sabha manut wewidangan Tri Hita Karana,
- ra Patra Banjar

Pawes 17

(1) Swadharmaning Bendesa Pakraman luwih

- na Ngenterang pamargin sadagang Awig-awig mawa pararem Desa,
- na Nuntun lan ngenterang karana sadagang warga Desa sami ngupadi manut patra;
- ca Mawosan kalih mawakang pamula sang sang mawa warga Desa,
- na Mawa duna Desa matemuang bawos sang sapa sapa ngi,
- ka Ngatimatalan lan ngatemuang Sam Badaya.

(2) Pradur Prajuru awang palaksana kate pamdanda miket sang karayangan soang-soang karana, tur dados karayangan manut pararem.

Pawes 18

Swadharman lan karayangan Sabha Desa luwih

- na Nyanti ngadagang mawa ngatemuang Bendesa,

- na. Ngawerding utawi ngumanggahing awig-awig Desa Pakraman;
- ca. Ngurwah-ngurwuhin daping awig-awig malarapan antuk paruman Desa;
- ra. Nitening sabha mratuyaksayang sahutaning pamargin awig-awig;
- ka. Manggahang tur ngatungan prabeya indik pangrawuh lan panelas druwen Desa;
- da. Sabha Desa ngawentenang paruman manut kawigunan, sanistane awarsa sapisan.

Pawes 19

ha. Mudita Kerta Sabha Desa;

- 1) Mudita Kerta Sabha Desa Pakraman inggih punika Sabha pamtut sané maduwe kawigunan muputang, mutusing utawi nepasin wicara krama desa sané kasukserahang sakeng Bendesa;
- 2) Mudita Kerta Sabha Desa puniki keadegang manut kawigunan;
- 3) Mudita Kerta Sabha keadegang miwah kerariyanang olih Bendesa malarapan Paruman Desa.

Pawes 20

na. Bane patut dados anggota Mudita Kerta Sabha :

- 1) Krama Desa Pakraman,
- 2) Yasa paling kidik 25 warsa tur sampun mawiwaha,
- 3) Tan cacet angga lan mula sarira,
- 4) Uning nulis lan ngawacen (nyastra),
- 5) Tan naanang kahukum madasar perlaksana jri,
- 6) Uning ring saurah-arih pakraman lan agama.

Pawes 21

ca. Swadharmaning Mudita Kerta Sabha

- 1) Ngumpulang data-data lan dikita,
- 2) Ngundang tur ngawumhang babawosan umum sang mawicara mangla wicaras pupu bunta,
- 3) Bantuang pamula wicara sate sampun kasingsingian,
- 4) Pamula wicara umum babawosan patit kasurat tur laksanaanyane kasukserahang ang sate Bendesa,
- 5) Sahutaning prabeya wicara patit kasingsing olih sang mawicara dadi manut paruman.

Pawes 22

Panas umum olih-oliha prajurit lan Sabha Desa aower

ha. Lagu antingon lan gegayon,

na. Panas ayemah manut paruman.

Pawos 23

(1) Prajuru lan Sabha Desa kagentosan riantukan :

ha. Seda;

na. Kanorayang dwaning iwang pamargi utawi nilar sesana;

ca. Wit sakeng pikayun utawi pinunas ngaraga.

(2) Nganorayang utawi ngentosan Prajuru lan Sabha Desa patut sajeroning paruman tur kaingkupin olih Krama Desa.

INDIK NGEPAH UTAWI NYIKIANG BANJAR

Pawos 24

Ngepah Banjar Pakraman :

(1) Pemekaran Banjar Pakraman kadadosangg yan sampun manut kadi syarat :

ha. Akueh Krama risampun mapisahan paling akedik meakueh 100 kulapati (KP);

na. Mapisahan punika tan sangkaning biyuta sakewanten sangkanin pada lila/pada adung;

ca. Sanggup nangga saurah-arih, ala ayu tategenan sakadi Banjar Pakraman sane tiyosan.

(2) Pamutus pangepahan kadadosan yan sampun polih pamutus ring Paruman Sabha Desa.

Pawos 25

Nyikiang Banjar Pakraman:

(1) Nyikiang Banjar Pakraman kadadosangg yan sampun manut kadi syarat :

ha. Akueh krama Banjar risampun kasikiang tan langkungan ring 200 KP;

na. Nyikiang Banjar Pakraman tan sangkaning biyuta sakewanten madasar antuk pada lila/adung.

(2) Pamutus nyikiang Banjar manut pararem Sabha Desa.

Pawos 26

Ngepah, nyikiang lan ngentosin Karang Desa:

(1) Ngepah Karang Ayahan Desa dados langkungan ring asiki palemahan manut syarat :

ha. Pamutus pararem Sabha Desa;

na. Tan dados biyuta;

ca. Sahilang palemahan patut nangga ayahan Desa.

(2) Yan wenten nyikiang/ngabungan palemahan karang ayahan Desa, tan kadadosang nyikiang ayahan desa/penangga.

- (3) Tan kadadosang ngentos karang desa yan tan polih pamutus paruman desa.
 (4) Tan dados ngadol tanah desa.

Palet 3

INDIK KULKUL

Pawos 27

- (1) Kulkul ring Desa luwire :
- ha. Kulkul ring Kahyangan Tiga;
 - na. Kulkul ring soang-soang Banjar;
 - ca. Kulkul sekaa-sekaa.
- (2) Tabuh tatepakan kulkul ring Kahyangan Desa :
- ha. Nungtit/silih asih, tengeran wenten yadnya/upacara;
 - na. Tulud bamban, tengeran tedun ngayah;
 - ca. Bulus, tengeran wenten bhaya.
- (3) Tabuh tatepakan kulkul ring soang-soang banjar luwire :
- ha. Bulus :
 - 1) A tulud bulus, tengeran kageni bhaya;
 - 2) Kalih tulud bulus, tengeran kapandungan (artha bhaya);
 - 3) Terus bulus, tengeran jiwa bhaya;
 - na. Bamban :
 - 1) Kalih tulud bamban, tengeran tedun ngayah utawi wenten pakaryan;
 - 2) Tigang klentungan (3x3), tengeran kalayu sekaran.
 - ca. Klentungan :
 - 1) Tigang klentungan, tengeran rare embas;
 - 2) Enam (6) klentungan, tengeran pawiwahan;
 - 3) Sanga (9) klentungan tengeran kelayu sekaran.

Pawos 28

- (1) Kulkul Banjar tan wenang katepak yening tan sangkaning pituduh Prajuru Desa/Banjar sajawaning tengeran bhaya;
- (2) Sang nepak tan sangkaning pituduh patut digelis atur supeksa maka buatan panepaka, yan tan sapunika wenang sang mawurug kadanda manut pararem;
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa/Banjar sajawaning tengeran bhaya, prade mamurug taler kadanda manut pararem.

Palet 4

INDIK PARUMAN

Pawos 29

- (1) Paruman/sangkepan ring Desa Pakraman Abianbase wenten :
- ha. Paruman Desa/Banjar, kawentenang:
 - 1) Sangkepan nyabran asasih maka cihna tanpa arah-arrah, dwaning sampun tetap panemaya manut pararem bebanjaran soang-soang;
 - 2) Samua, napkala maka jalaran arah-arrah manut tatujon.
 - na. Sangkepan Prajuru lan paruman desa kawentenang manut wiguna;
 - ca. Paruman sekaa-sekaa manut pabuat.
- (2) Paruman Desa utawi Banjar madudonan sakadi ring sor :
- ha. Prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Pakraman Madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widi Widana cane;
 - na. Maka sarana janggi, panggawit kalaksanayang panyacak sep-sepan saha riwusannya nyacak, ngetang dadosan gung alit manut pararem;
 - ca. Tan kalugra ngawetuang suwara goro utawi byota, yan wenten asapunika keni pamidanda beya pacamil kadi dandaning nguman-uman ring sabha.
 - ra. Pamutus babawos beriuk sepanggul (ingkup) punika kamanggehang.
- (3) Prade daging paruman tan kaingkupin mangda Pajuru lan Sabha Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru lan Sabha Desa wenang nunas bawos ring Sang Ngawawenang.

Pawos 30

- (1) Sajeroning paruman Desa, sane kasade antuk Sabha Desa, Bendesa patut nyobyahang pemargin ngenterang Desa, pamekas nganinin indik :
- ha. Munjuk lungsuring pakraman saha ayah-ayah, sulur arta brana druwen Desa;
 - na. Rarincikan Prajuru Sabha Desa nganinin usaha Desa kapungkur.
- (2) Pamutus paruman Desa kasinanggeh pararem maka pamitegep daging awig-awig.

Pawos 31

- (1) Sangkepan Prajuru utawi Sabha Desa kawenangang wantah ngarincikang pangerencana usaha Desa kapungkur;

- (2) Sangkepan Prajuru utawi Sabha Desa tan kawenang ngawedalang tategenan ring krama sadereng kaingkupin olih Krama Desa ring paruman;
- (3) Pamutus sangkepan prajuru lan Sabha Desa ngawetuang pasuwara, maka pidaging pituduh sang ngawawenang utawi ngonekang pecak pararem krama desa.

Palet 5

INDIK DRUWEN DESA

Pawos 32

Padruwen Desa Pakraman Abianbase sakadi ring sor :

ha. Kahyangan Desa/Kahyangan Tiga luwire :

- 1) Pura Desa, Pura Puseh, lan Taulan;
- 2) Pura Dalem, Prajapati lan palinggih sema ilang-ilang.

na. Wantilan Pura;

ca. Tanah tegalan utawi carik manut ilikita;

ra. Karang ayahan Desa, munjuk lungsur saking akueh karang ring ajeng;

ka. Setra Pakraman Abianbase lan setra ildeng;

da. Palaba Pura, carik/tegal manut ilikite;

ta. Lelanguan, mekadi tetabuhan lan ilen-ilen (manut pararem) padruwen babanjaran.

sa. Lembaga Perkreditan Desa (LPD), indik pemargin LPD manut pararem.

Pawos 33

Pilih-olihan Desa Pakraman Abianbase luwire:

ha. Pilih-olihan sakeng palaba pura;

na. Urutan krama Desa Pakraman,

ca. Paica saking Guru Wisesa,

ra. Paica-paica tyosan sanc patut,

ka. Utsaha Desa Pakraman malarapan dana punia pawangunan,

da. Pilih-olih sakeng LPD

Pawos 34

(1) Prajuru lan Sabha Desa wenang ngetangang pamupon laba Pura lan sapanunggalan druwen Desa;

(2) Pikolih lan panguponnyane katut ring sira Pamangku Kahyangan Tiga,

(3) Nyabran pasangkepan Desa, Prajuru lan pangamong druwe desa nguningayang panindik munjuk lungsurung padruwan ring Krama Desa,

(4) Sakaluwiring druwen Desa Pakraman patut wenten likitannya;

(5) Tan kalugra ngadol utawi ngesahang padruweyan Desa yan tin kasungkemlin olih Krama Desa ring paruman.

Palet 6

SUKERTAN PAMITEGEP

Kaping 1

KARANG, TEGAL LAN CARIK

Pawos 35

- (1) Krama Desa pengamong Karang Desa utawi karang gunakaya patut ngawatesin karang inucap antuk tembok utawi antuk pagehan mangda pakantenannya asri;
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegalang kaluan, sajawaning tanah pacatu, tegal, carik utawi tanah padruwen ngaraga, sane kapiara watese sisi klod miwah kauh utawi manut drestha reh punika mawasta gegalang kateben;
- (3) Prade karasayang pagehan/turus inucap ngalikadin, yen pada arsa panyandinge, kengin watese nganggen pinget kewentenan, kasaksjinin olih Bendesa utawi praciha pal saking Sang Ngawawenang;
- (4) Prade wenten karang kabebeng/embet mangda kautsahayang wenten pamarginnya, manut paigum lan pararem.

Pawos 36

Sinalih linggih Krama Desa Banjar tan kalugra

- ha Ngalah-ngalah margi, tegal ayahan desa, karang desa, lan sapanunggalannya,
- na Ngalah-alah tanah linggih kahyangan, tegak setra, lan sakancan linggih sinanggeh suci.
- (2) Prade wenten sakadi ring ajeng, sang ngalah wenang ngawaliang tanah inucap saha keni pamidanda manut pararem kadulurin upakara prade nglahlah tanah suci.

Kaping 2

PEPAYONAN

Pawos 37

- (1) Ngawit nandur pepayonan lanem tuwuh patut adepa agung (1,5 meter) ngajeroang saking wates, prade jantos ngaliwat wates wenang kasepat gantungin;

- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor tetanduran punika;
- (3) Prade sampun kawara taler tan wenten usaha sang nruwenang wit, sang rumasa katetahan/kajerihan wenang masadok ring Bendesa, tur risampun kaparitas kalugra mademang wit inucap, sakewanten patin pepayonan patut katawur manut pangeloika sang nepasin;
- (4) Sang keni pamidanda panyangaskara saha prabeya manut pararem arep ring wewangunan sang karubuhin luwire:
 - ha. Sang nruwenang wit sinanggeh mayanin, prade pungkut ngrubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyosan.
- (5) Prade wenten wit mentik sajeroning wates patut kapademang, mangda tan ngranayang wicara. Prade sampun ageng kapademang, wit punika pinara tiga :
 - ha. Apah tiga kaaturang ring sang nruwenang wit;
 - na. Apah tiga kaaturang ring sang penyandingnya;
 - ca. Apah tiga kaaturang ring Desa Pakraman.
- (6) Krama Desa patut ngamanggehang kawerdian tanem tuwuh sane ngawinang desane asri tur becik pakantenannya.

Kaping 3 WEWANGUNAN

Pawos 38

- (1) Nyabran ngawangun patut :
 - ha. Masadok ring Prajuru/Bendesa, ping ajeng prade wewangunan nganinin wates;
 - na. Ngangge sikat Asta Bhumi miwah gagulak Asta Kosala-Kosali, sanistane ring patitits niskala;
 - ca. Tan nyayubin kapisaga;
 - ra. Tan kengin :
 - 1) Ngembahang toya wit sakeng bada wewangunan, kakus, usaha lan pawaregan ka tegal, pakarangan lian, carik, ka margine, ka tukade utawi sane siosan, sane ngawinang ambu kawon;
 - 2) Ngentungang luhu, wangke wewangunan ka pakarangan, ka tegal anak tiyosan lan ka margine utawi ka tukade;
 - 3) Prade wenten malaksana sakadi punika ring ajeng patut keni pamidanda manut pararem.

- (2) Prade wewangunan jantos nyayubin bilih-bilih temboke ring telengin wates, risampun kaware tur kasadokang ring Prajuru/Bendesa, wenang kadanda manut pararem saha tembok inucap kagubar utawi sanistane mangda kakaryanang genah abangan.

Kaping 4

WEWALUNGAN

Pawos 39

- (1) Warga Desa sane mamiara wewalungan patut sayaga nitenin negul utawi ngaryaning blembeng/bada mangda tan ngarusak karang utawi pabianan Krama sewos, bilih-bilih jantos ngaranjing ngaletihin kahyangan;
- (2) Prade wenten wewalungan malumbar utawi ngeleb ngarusak pakarangan/pabianan krama sewos, risampun kawara dados kataban tur kadanda ngawaliang wit sane karusak saha nawur pancbas papiaran tetaban, manut pengeloikan Prajuru/Bendesa;
- (3) Prade jantos ngaletihin linggih suci, minakadi Pamrajan, risampun kaparitas olih Prajuru/Dulu wenang sang nriwenang kadanda mabuhu agung (caru eka sata), maduluran tebasan prayascita durmanggala, prade ngaletihin Kahyangan Desa utawi Pura Pamaksan, wenang nyaronin antuk Panca Sata makerep itik belang kalung;
- (4) Krama Desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang ngawawenang.

Kaping 5

B H A Y A

Pawos 40

- (1) Parindikan bhaya, luwire jiwa bhaya, artha bhaya (kapandangan), dura cara ring Agama,
- (2) Sang manggihin, kahanan jiwa bhaya, patut nepak kulkul bulus mapitulung manut pawos 27 (3) aksara ha
- (3) Prade ring Desa kahanan jiwa bhaya, patut desane ngaturang Bhuta Yadnya, tur sang mayanin kaaturang ring Sang Ngawawenang,
- (4) Prade wenten jatma mamisuh utawi nguman-uman jadma tiyos, kakenanin pamidana beya pacamil maduluran tebasan prayascita.

- (5) Yaning wenten jatma majengilan ring bale banjar, ring Pura, utawi ring genah sane kasinanggeh suci, keni pamidana manut pararem, maduluran panyangaskara prade sang majengilan kantos ngamedalang rah.

PACALANG

Pawos 41

- (1) Jagabaya ring wewidangan Desa Pakraman kesanggra olih Pacalang (manut Pararem);
- (2) Swadharmaning Pacalang manut sesana lan busana Pacalang manut Putusan Semiloka Pacalang ring Musium Arma Ubud utawi manut pararem;
- (3) Manggala Pacalang kapilih sakeng paruman angga pacalang Desa .
- (4) Manggala Pacalang keabih olih :
- ha Patajuh utawi pangliman soang-soang banjar;
- na Panyarikan,
- ca Juru raksa
- (5) Angga Pacalang kapilih sakeng soang-soang Banjar manut pabuate;
- (6) Sang manggihin kahanan artha bhaya (kamalingan), patut ngulkul) mapitulung manut ring pawos 27 (3) aksara ha. Utawi sang kamalingan atur supeksa ring Prajuru/Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci;
- (7) Pratingkahe mapailon ring dusta kabawos saruron, prade wenten jadma manggihin maling tan nyadokan Prajuru/Bendesa jantos jadma tiyos nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang ngawawenang.
- (8) Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (9) Yaning wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kalcalan, wenang jatma inucap katuwekang antuk madewa saksi ring Pura Bale Agung.
- (10) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
- ha Matengeran suwara (makauksang);
- na Nyantos sang nruwenang karang rawuh utawi masadok ring pangapit pinih tampak, maka buatan pangarungge;
- ca Pamedal karangnya kadagingan sawen, maka sihna pangarah rikala suwung manut pararem banjar

Kaping 6

PANYANGGRAN BANJAR

Pawos 42

Krama Desa rikala ngawentenang karya suka-duka, patut kasanggra olih Banjarnyane :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi gotong royong krama jantos ping tiga, langkungan ring punika patut kaaturan panguing manut pararem banjar;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran panguing ping kalih manut pararem banjar;
- ra. Pangarombo tiyosan manut pararem banjar.

CATHURTAS SARGAH

SUKERTA TATA AGAMA

Palet 1

INDIK DEWA YADNYA

Pawos 43

(1) Kahyangan Panyiwian ring sawidangan Desa Pakraman Abianbase luwire :

- ha. Kahyangan Tiga: Pura Desa/Bale Agung, Pura Taulan miwah Pura Dalem, lan Pura Prajapati;
- na. Pura Pamerajan Agung, Panti, Paibon sane wenten manut dresta.

(2) Rahina Piodalan ring soang-soang kahyangan inucap, kadi ring sor :

- ha. Ring Kahyangan tiga, luwire :
 - 1) Pura Desa/Bale Agung, lan Pura Taulan ring : Anggara Keliwon Medangsia;
 - 2) Pura Dalem lan Pura Prajapati ring : Buda Umanis Kulantir;
- na. Piodalan ring soang-soang Pura siosan manut dresta.

(3) Pengaci ring Pura inucap manut kecap sastra Agama, saha kelaksanayang nista, madia, utama manut dresta lan pararem

(4) Pangempon soang-soang Pura manut dresta kadi ring sor :

- ha. Pura Desa/Bale Agung, lan Taulan, Pura Dalem lan Prajapati kasungsung/keempon olih krama Desa Pakraman Abianbase (manut pararem);
- na. Pura Pamerajan Agung, Panti, Paibon kesungsung muwah kaempon olih pemaksan soang-soang.

Pawos 44

- (1) Ring soang-soang Pura inucap patut kaadegang Pamangku manut kawigunan;
- (2) Ngadegang Pamangku manut dudonan
 - ha. Turunan utawi waris;
 - na. Kacatri oleh krama Desa;
 - ca. Nyanjaan utawi masemurang, soang-soang mapiteges mapinunas ring ajeng Pura sane pacang kaadegang Pamangku malarapan tukang sanjan sane manut sakeng dura desa, lan sapanunggalannya;
- (3) Tan wenang adegang Pamangku luwire :
 - ha. Cendangga makadi : peceng, perot, cungh, lan sapanunggilannya;
 - na. Sang sapasira ugi sane tan kapatutan manut pararem.
 - ca. Sakit ila, ayan, buduh, miwah sakit tan sida ketambenin.
 - ra. Sane tan madrebe kasucian urip.
 - ka. Sane ngambil baluan.
- (4) Prabia Kapamangkuan :
 - ha. Adiksa Widhi (ngawintenin) lanang istri kemedalin saha kalaksanayang olih sang ngadegang, makadi krama Desa utawi pangempon Pura soang-soang;
 - na. Mapitra Yadnya riwekas lanang miwah istri patut kasungkemin olih krama Desa utawi pangemong, sanistane mapranawa maapan apisan, panyanggrane sapunika taler Pamangku sangkaning sungkan utawi lingsir manut Pararem prade Yadnya inucap kalaksanayang olih wargan sira Pamangku;
 - ca. Sinalih tunggil krama yan wenten ngipik-ipik sapari polah pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pararem;
 - ra. Prade wenten Putra Sentana Sang Pamangku sane kepitrayadnya dados kasarengan manut dresta nanging matiyosan genah mapuun/megeseng, prabiyanyane katangga olih keluarga Pamangku inucap;
 - ka. Prade sinalih tunggil Pamangku sane sungkan mabuat patut kaelingan utawi wenten patiis sakeng ngadegang.
- (5) Pamangku patut ngamanggehang sesananing Pamangku luwire :
 - ha. Ambek Dharma Sadhu;
 - na. Asewaka Dharma, makadang sastra utama;
 - ca. Tan parak ring naya dustha;
 - ra. Tan atayub ring tarub camara yudha;
 - ka. Tan manjing ring umah wong banija krama;
 - da. Tan manjing ring umah wong darati krama;
 - ta. Tan wenang ajaduden;

- sa. Tan anginum asing angawe mada;
 - wa. Tan pati pikul-pikulan yan tan kadruwen sira Pamangku;;
 - la. Tan salab sulub;
 - ma. Tan wenang anayub upadrawaning cor, yan mawiyawahara teka wenang adewa saksi;
 - ga. Tan griganing wong akueh;
 - ba. Tan keneng cuntakaning wong len, sajawaning kulawarganya tunggil natah, utawi pasiwanya manut dresta;
 - nga. Tan wenang katuran panyembrama ring purin nuwenang karya pabenan.
- (6) Prade mamurug, wenang pamangku nyepuhin raga kasaksinin olih prajuru Desa.
- (7) Yan pacang ngawalat rabi wenang ngaturang rumuhun pawintenannya, ring pura genahnya madeg Pamangku nguni, tembenya wawu wenang ngawalet rabi, riwus upacaranya wenang ngawana wasa salaminya atahun, wus punika wawu mawinten lakibi kadi pawintenannya nguni.

Pawos 45

Swadharman pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku Kahyangan Desa tiyosan utawi nuwur sang sulinggih;
- ca. Samaliha yan sampun Pamangku ngayah ring Pura kancit, wenten kulawargannya, seda, Pamangku inucap tan keneng cuntaka sakewanten Pamangku tan budal salami piodalan;

Pawos 46

Patias utawi olih-olihan Pamangku luwire :

- ha. Panyolasan miwah sarin canang ring soang-soang pakubon Krama Desa;
- na. Upon palaba carik miwah tegal manut pararem;
- ca. Luput pakaryan, rerampen/teramon, lan padagingan (luput manuk);
- ra. Patias sewosan manut pararem.

Pawos 47

Pamangku kagentosin riantukan :

- ha. Seda;
- na. Pinunas ngaraga, sangkaning, kageringan lan sapanunggalannya;
- ca. Kauwusan olih krama sangkanin malaksana sane tan patut;

Prade Pamangku kauwusan sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 48

Kasukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntaka makadi sebel ring raga utawi kamatian;
- 2) Makta sahanan barang sinaggeh ngaletihin;
- 3) Sato agung, sajawaning rikala mapapada;
- 4) Mabusana sane tan patut kadi tatacaraning ngaranjing kapura;
- 5) Anak alit sadereng tigang sasih;
- 6) Sang panten miwah anak babinjat sadereng maupakara;
- 7) Sadereng polih wak-wakan (pituduh) prajuru/dulun Desa.

na. Pratingkahe tan wenang ring pura :

- 1) Masumpah (cor) sajawaning pituduh Prajuru/Dulun Desa;
- 2) Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin rare, majaljal/majengilan nyangsan busana, menehin pusungan (santukan punika rikala majajahitan patut ngelung busung macingor lidinya);
- 3) Mungga tedun palinggih sajawaning pituduh prajuru/dulu.
- 4) Tan wenang ngias raga sajawaning sang Pandita lan sapanunggilannya.

ca. Sang mamurug kecap ring ajeng keni pamidanda pamrayascitta sapatutnya.

Pawos 49

- (1) Yan wenten jadma karawuhan ring Pura, dados kapintonin prada rumasa asumangsayan, yan tan wiakti, jatma inucap kasisipang manut pararem;
- (2) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet 2

INDIK RESI YADNYA

Pawos 50

- (1) Sang pacang madeg Pandita utawi Pinandita minakadi Bolean Sonteng, Kubayan, Dalang, sakaluwiring sane jagi ngenterang yadnya patut masadok ring Prajuru Desa utawi Parisada Hindu Dharma Indonesia;

- (2) Prajuru Desa patut ngawas nitenin tur wenang ngalangi prade wenten kacihnan nyasairing kakecap miwah drestane, tur sareng nyaksinin upacara saha nyobyahang ring paruman Desa tegep rawuhin wates kawenangannya ngenterang yadnya;
- (3) Krama Desa patut ngaturang ayah saha maturan manut Pararem miwah ring pangelepas Sang Sulinggih riwekas katuntun olih Prajuru/Dulu Desa yaning keadegan olih Desa Pakraman.

Pawos 51

- (1) Sang Sulinggih lan pamangku patut ngariyining muputang ring wawidangan Desa Pakraman sasampun punika wawu muputang yadnya kajebar tiyos desa utawi kadura desa;
- (2) Krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Sulinggih utawi Pinandita manut kawenangannya soang-soang.

Palet 3

INDIK PITRA YADNYA

Pawos 52

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- 1) Antuk mendem utawi ngeseng, makecihna pakinsan ring ibu pratiwi utawi ring geni, salami nuptupang prabaya;
- 2) Atiwa-tiwa (upakara pangabenan/palebon).

na. Upacara upakara Pitra Yadnya riwusan kaabenang ngraris munggah daun bingin (ngaroras/utawi penyolasan) manut dudonan Atma Wedana.

Pawos 53

Panamaya pengabenan :

ha. Ngaben dadakan;

na. Ngaben ngemasa :

- 1) Masa mapatus sabilang tahun genep;
- 2) Masa tan mapatus sabilang tahun ganjil.

Pawos 54

Swadharmaning lan tategenan prade wenten sinalih tunggil Krama kalayu sekaran :

ha. Sang kaduhkitan patut :

- 1) Nyadokang ring Klian tur nunas tatimbangan ring kawentenannya;
- 2) Ngaturin Banjar ngarombo makarya eteh-ete sawa saha ngater kasetra, tur katuran panyembrama canang sasida sidaan, manut pararem.

na. Tan kadadosan makta sawa ring paumahan yan sawa punika sampun maupakara ring lian bebanjara utawi dura Desa Pakraman Abianbase sane pacang keabenang, patut sawa punika kegenahang ring setra saha matur piuning ring pura Prajapati lan Pura Dalem;

ca. Rare sane durung maketus yaning padem patut kependem tan ngitungan dewasa;

ra. Pemargin mendem :

- 1) Mendem ngentas.

Tan kadadosang mendem ngentas rikala semut sadulur, kala gotongan, pasah, prawani (bulan), purnama, tilem, buda kliwon, tumpek, anggarkasih, buda manis miwah rerahinan jagat.

- 2) Mendem tan ngentas.

(1) Yan mapasah kadadosan sajabaning : tumpek, buda kliwon, anggarkasih, buda umanis, purnama, tilem miwah rerahinan jagat.

(2) Yan nyulubang tan ngetang rahina, rianging pamargine sesampun surup Ida Sang Hyang Surya tan matatangguran, tan nyuwarayang kentongan, tan magegitan tan masundih.

Rikala piodalan utawi Ida Betara ngadeg, ring ajeng Pura, layone mangda ketampa andap.

ka. Pemargin pemendem utawi palebon mangda nganutin sastra agama lan dresta.

Pawos 55

(1) Sane kasinanggeh kacuntaka sakadi ring sor :

- ha. Cuntaka antuk kalayu sekaran;
- na. Cuntaka antuk ngraja swala;
- ca. Cuntaka antuk ngembasang putra;
- ra. Cuntakan antuk karuron;
- ka. Cuntaka antuk sakit ila, buduh;
- da. Cuntaka antuk pawiwahan;
- ta. Cuntaka antuk gamia gamana;
- sa. Cuntaka antuk salah timpal;

- wa. Cuntaka antuk yaning wenten anak istri mobot nenten kaupakarayang pabiukawonan miwah pawidiwidana;
 - la. Cuntaka antuk mamitra ngalang;
 - ma. Cuntaka antuk yaning wenten anak istri ngamedalang putra sadurunge maupakara pabiukawonan miwah pawidiwidana;
 - ga. Cuntaka antuk sad tatayi.
- (2) Sengker cuntaka manut kawentenannya :
- ha. Cuntaka kalayu sekarang, cuntakanya kaanutang ring loka dresta Desa Pakraman;
 - na. Cuntaka ngraja swala, 3 rahina ngawit saking ngraja swala utawi salaming ngraja swala;
 - ca. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri, istri = 42 hari, lanang = akepus odel;
 - ra. Cuntaka karuron, cuntakanya abulan pitung rahina (42 rahina) tur sampun matirta pamerayascita sane istri;
 - ka. Cuntaka sakit ila, buduh/edan, cuntakanya manut ilikita pastika saking sang Ngawzwenang/sang nambanin miwah sampun mrayascita raga;
 - da. Cuntaka pawiwahan, cuntakanya ngantos sesampune matirta pawiwahan alit;
 - ta. Cuntaka gamia gemana, cuntakanya ngantos sesampune kapalasang/kasapihang tur sampun kawntenang pamrayascita raga miwah pamrayascita Desa Pakraman/Kahyangan;
 - sa. Cuntaka salah timpal, kapuputang manut ring sastra Agama Hindu;
 - wa. Cuntaka anak istri mobot nenten kawntenan upakara pawiwahan, cuntakanya ngantos kawntenan upakara pawiwahan;
 - la. Cuntaka mamitra ngalang, cuntakanya ngantos kawntenang upakara pabiukawonan;
 - ma. Ngembasang putra nenten kawntenang upakara pabiukawonan miwah pawidiwidana, cuntakanya ngantos wenten sane mameras sang putra, lan sampun kawntenan upakara manut ring sastra Agama Hindu;
 - ga. Cuntaka Sad tatayi, cuntakanya ngantos sampun maprayascita raga tur nenten pesan dados ngamungganghang upakara padwijatian.

(3) Cuntaka kalayu sekaran/kematian :

- ha. Kapendem cuntakanya :
 - 1) Cuntaka/sebel kabanjar ngantos 3 rahina riwusnya mendem/manut drestha utawi sesampun polih pamrayascita;
 - 2) Kaluwarganiya sajerning pakarangan manut dresta.

na. Kaabenang cuntakannya :

Sang nyambut karya Pitra Yadnya cuntakanya ngawit saking nyambut pedewasa karya, wusan mapegat.

(4) Sane katiban cuntaka luwire :

ha. Kalayu sekaran sang kacuntaka :

- 1) Sang sane kalayu sekaran;
- 2) Kulawarganya;
- 3) Babanjaran/krama.
- 4) Yaning indik ngayah ring Kahyangan Tiga manut Pararem soang-soang Banjar.

na. Ngraja swala sane kacuntaka :

- Sang sane ngraja swala.

ca. Ngembas putra sane kacuntaka :

- Sane ngembasang putra lanang wiadin istri.

ra. Pawiwahan sane kacuntaka :

- Sang sane ngalaksanayang pawiwahan lanang wiadin istri.

ka. Sakit ila/buduh, sane kacuntaka raganya dewek.

da. Karuron sane kacuntaka :

- Sang sane karuron.

ta. Gamia gamana sane kacuntaka :

- 1) Sang sane ngalaksanayang gamia gamana;
- 2) Desa Pakraman;

sa. Salah timpal sane kacuntaka :

- 1) Sang sane malaksana salah timpal;
- 2) 'Desa Pakraman.

wa. Anak istri mobot nenten kawentenang upacara pawiwahan sane kacuntaka :

- Sang sane mobat.

la. Memitra ngalang, kacuntaka sane memitra ngalang;

ma. Ngembas putra nenten kawentenang upacara pawiwahan miwah upacara pawidi-widana sane kacuntaka :

- 1) Sang sane ngembasang putra;
- 2) Putra sane embas.

ga. Sad Tatayi, sane kacuntaka :

- Sang malaksana sad tatayi.

(5) Tan keneng cuntaka, luwire :

- 1) Sang Sulinggih lan Pamangku;

- 2) Rikala piodalan risampun ngalang sasih/ngalang tengah sang sane katiben kalayu sekaran keni cuntaka.

Pawos 56

- (1) Attiwa-tiwa (pangabenan) kalaksanayang antuk :
- ha. Sawa prateka, pangabenan mawatang sawa;
 - na. Sawa resi, pangabenan mawatang antuk sawa kresyan;
 - ca. Suwasta, pangabenan mawatang sawa sane tan kakeniang, kagentos antuk lalang utawi toya;
 - ra. Nglungah, sane seda sampun mayusa 42 rahina durung makupak (maketus).
- (2) Dudonan pangabenan ngawit saking ngagah (seda), ngeseng ngantos pangiriman utawi nganyut;
- (3) Pemargin atiwa-tiwa, kamanggehang manut Yama Purwana Tatwa, minekadi bebantenipun, sajeroning pitung rahina manut Pawos 54 aksara ra lan ka;
- (4) Pangupakara jadma sane padem salah pati, ngulah pati, kepangawan, iala, saluwiripun maupakara, sakadi pangupakaraning wong mati beneran saha ngangge panebusan;
- (5) Yaning wenten keberebchan ring desa utawi ring Banjar Pakraman antuk kawon pamargin mendem sawa utawi ngaben mangda Prajuru Pakraman utawi Bendesa Pakraman marumang Krama Pakraman.

Pawos 57

- (1) Peputusan pangabenan wenten kalih pawos :
- ha. Ngaben ngamasa luwire : beras, kelapa, gesing miwah sane sewosan manut pararem Banjar;
 - na. Ngaben dadakan, patch sakadi patus seda kapendem manut Pararem.
- (2) Pangingune ring Krama Banjar ngawit ngayali manut abot dangan kawntenang karya manut pararem Banjar.

Palet 4

INDIK MANUSA YADNYA

Pawos 58

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan ring sor :
- ha. Magedong-gedongan duk pangerempinian ibiang;

- na. Duk sang kamareka medal;
 - ca. Kepus odel;
 - ra. Roras rahina;
 - ka. Tutug kambuhan (42 rahina);
 - da. Nigang sasihin (3 sasih);
 - ta. Pawetuan/otonan/odalan (6 sasih);
 - sa. Tutug kelih (ngraja swala wadone, ngembakin lanange);
 - wa. Matatah/mapandes;
 - la. Mawiwaha;
 - ma. Mawinten.
- (3) Upacara-upakara inucap nista, madia, utama manut sastra Agama Hindu lan dresta;
 - (4) Hukum Pakraman sane kewastanin : Asu Pundung lan Alangkahi Karang Hulu neneten malih kemangehang, manut Keputusan DPR Daerah Bali, tanggal 12 Juli 1951.

Palet 5

INDIK BHUTA YADNYA

Pawos, 59.

- (1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan;
- (2) Upacara pabyakala ring sarwa prani, sarwa tumuhun muwang piranti luwire :
 - ha. Ring sarwa lelandep rikala Saniscara Kliwon wara Landep;
 - na. Ring sarwa tumuwuh lan piranti rikala Saniscara Kliwon wara Wariga;
 - ca. Ring sarwa syandana/wahana rikala Saniscara Kliwon wara Kuningan;
 - ra. Ring sarwa lelanguan rikala Saniscara Kliwon wara Krulut;
 - ka. Ring sarwa ingon-ingon/wewalungan rikala Saniscara Kliwon wara Uye;
 - da. Ring sarwa ringgit, ukir-ukiran rikala Saniscara Kliwon wara Wayang;
 - ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru;
- (4) Pacaruan inucap ring ajeng nista, madia, utama, manut wiguna kadi ring sor :
 - ha. Ekasata;
 - na. Panca sanak;
 - ca. Panca sata;
 - ra. Resi jana;
 - ka. Tawur Agung;
 - da. Panca kelud.

- (5) Sajawaning kadi ring ajeng kawentenang upakara :
- ha. Masaiban utawi yadnya sesa nyabran wusan ngarateng;
 - na. Masapuh-sapuh rikala pacang wali ring Pura;
 - ca. Pacaruan pasasihan kalaksanayang nangken Tilem ngawit sasih ka 5 lan ka 9 sajawanin wenten durbiksan jagat.

Pawos 60

- (1) Nyabran warsa rikala Tilem ka enem kewentenan Nangluk Mrana ring pasisi Lebih, ida dane patut maturan sasidan sidan;
- (2) Manut Dharma Hindu Bali kapikedeang ngemargiang Sambang Samadi Ciwa Ratri, purwaning tilem kapit, sasidayan ring kahyangan wiadan ring Pura Dalem;
- (3) Nangken ngawarsa rikalaning Tilem Kasanga, kawentenang Tawur Kasanga, kalanturang antuk ngarupuk, makacihna pacang mapag rahina panyepian benjangne;
- (4) Bebratan panyepian sane kamargiang olih Krama Desa :
 - ha. Amati geni, tan kengin maapi-api;
 - na. Amati Karya, tan kengin nyambut karya;
 - ca. Amati lelangan, tan kengin maoneng-onengan, masuara gora lan sapanunggalannya;
 - ra. Amati lelungan, tan dados melancaran.
- (5) Pabraton inucap kaping (4) kamargiang sakeng semeng ngantos semeng benjangne raris kasuwarayang kulku!, punika cihna pangembak;
- (6) Sang mamurug kecap ring ajeng keni pamidanda manut pararem kamargiang olih patelik (Pacalang Desa);
- (7) Riwus rahina Nyepi (benjangne) maka cihna pangawit Isaka warsa, patut warga Desa sami madharma Santhi; ring Pura Puseh.

Pawos 61

- (1) Nyabran Tigang Dasa Warsa kautsahayang kawentenan Karya Mamungkah Mendem Padagingan :
 - ha. Ngusaba Desa/Nini ring Pura Desa muwah Pura Puseh, kalanturang mamungkah ring Pura Dalem.

PANCAMA SARGAH SUKERTA TATA PAWONGAN

Palet 1

INDIK RARE EMBAS

Pawos 62

Saparindikan rare embas inggih punika :

- ha. Patut ngarereh Akte Kelahiran manut uger-uger guru wisesa;
- na. Rare sane embas kembar/buncing nenten kebaosang malih (DPRD Bali No. 10/1951 12 Juli) (manut Keputusan Pesamuan Campuan Ubud).

Palet 2

INDIK PAWIWAHAN

Pawos 63

Pawiwahan inggih punika patemon purusa kalawan pradana malarapan kayun suka lila kadulurin upasaksi sakala niskala.

Pawos 64

(1) Pamargin Pawiwahan luwire :

- ha. Pepadikan, kamargiang antuk lanang utawi istri kamanggala antuk babawosan;
- na. Ngarorod, marangkat nyin wawu kakrunayang;
- ca. Nyeburin utawi sentana nyeburin (risampun nganutin upakara pamerasan);

(2) Pidada sang pacang mawiwaha patut :

- ha. Sampun manggeh deha - taruna (presida nganutin Undang-Undang);
- na. Sangkaning pada lila (tan kapaksa);
- ca. Manut koeap sastra Agama (tan gamis gamana);
- ra. Prade pangambale tiyos Agama, lan tiyos wangsa patut ngamargiang upacara kasudiwadani.

(3) Pamargin pawiwahan mangda taler nganutin Undang-Undang Perkawinan sakeng Sang Ngawawonang.

Pawos 65

(1) Pawiwahan sane kapaatutany ring Desa, sakadi ring sor :

- ha. Sampun kamargiang pabyakala utawi pasakapan, kasaksiang sakala niskala olih Pandita utawi Pinandita.

- na. Wnten pasaksi Prajuru/Dulu-dulu sane mapakelingang utawi ngilikitayang pawiwahan;
 - ca. Sampun matengeran suwaran kulkul manut pararem;
 - ra. Pawiwahan inucap ring ajeng sampun kacatetang ring sang Ngawawenang.
- (2) Parabian sane tan manut kadi kecap ring ajeng sinanggeh tan patut.

Pawos 66

Tata caraning parabian patut sakadi ring sor :

- ha. Sapa sira ugi-pacang ngawarangang pakulawarganya patut masadok ring Prajuru/Dulu-dulu, salanturnya Prajuru/Dulu maritatas manut tan manut pamargin parabine;
- na. Pamargin pepadikan manut dudonan :
 - 1) Pakrunayan jantos ping tiga, saha soang-soang malarapan :
 - ha) Kaprathama antuk canang/sedah, pajati sakaluwire;
 - na) Kaping kalih antuk canang pangrawos;
 - ca) Kaping tiga antuk daksina pajati kabawos pamuput pamadikan.
 - ra) Utawi manut bebawosan sang pacang mewarang
 - 2) Risampun puput raris sang pradana kaajak budal ring pakubon sang lanang, saha kalanturang antuk pabyakala.
 - 3) Mangda puput tumus sakala niskala, raris kulawarga purusa makta pajati ring Pamrajan wadone.
- ca. Prade ngarorod/marangkat patut :
 - 1) Reraman lanange ngawentenang pemilaku/pangenduh antuk duta sakirangnya 2 (kalih) diri;
 - 2) Pagenahan antene tan kengin ring pakubon sang lanang sadereng mabyakala.
 - 3) Prade wenten sinalih tunggil krama pacang merabian antuk marangkat tanpa tahu utawi kasungkemin olih guru rupakanya, sang merangkat punika patut makarya swala patra madasar antuk kayun pada lila maakueh (3) tigang bidang tur kalingga tangani sang marangkat lan olih Kelian Banjar Pakraman saking purusa. Sentana sane kabakta dados "Anak Ibu", polih waris sakeng Ibu kemawon.
- ra. Sajeroning pakrunayan/pangelukuan patut :
 - 1) Kamanggala antuk geng pangampura arep ring reraman wadone;
 - 2) Kaigumang bawos idih pakidih utawi pategayan arep ring pasewakan sang ngidih saha dewasa pakrabkambeyane riwekas;
 - 3) Kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
 - 4) Prade tan terima pajati, pakrunayan kamargiang jantos ping tiga.

- ka. Pakerab-kambeyan mapiteges upacara tinas apadang (puput) mapakuren, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
 - ha) Jejauman pinaka ngambe/ngadungang kayun soang-soang pakulawargan wadone;
 - na) Widi widana pinaka pajati niskala nunas wadone ring Pamrajannya.
 - 2) Sajeroning bawos kerab pamargi ring sakala :
 - ha) Antuk panyaksi krama Banjar, dwaning kaparabiang matengeran swaran kulkul;
 - na) Pamekas pasaksi Prajuru/Dulu-dulu sane ngilikitayang.

Palet 3 INDIK NYAPIAN

Pawos 67

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan sinalih tunggil seda mapiteges balu, makadi balu lanang/istri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapihan wawu Prajuru nyobyahang kawentenannya ring Desa saha keni panebas swaran kulkul manut pararem.

Pawos 68

Tata cara palas parabian sakadi ring sor :

- ha. Nawur prabeya pasaksi sinalih tunggil sami matenga;
- na. Pagunakayan polih pahan pada;
- ca. Pabekel, tadtadan soang-soang kakuasa niri-niri miwah warisan kakuasa olih purusa;
- ra. Ngaweruhin miwah ngupajiwain pratisentana manut swadharmaning guru rupaka;
- ka. Nawur pamidanda panebasan swaran kulkul manut pararem;
- da. Ngelung jinah logika Prajuru/Dulu;
- ta. Mapamit ring Pamrajan Lanange;
- sa. Krama balu istri mawali sangkaning palas marabian utawi nyapihan patut :
 - 1) Yan makta sentana patut tedun makrama banjar.
 - 2) Yan tanpa sentana patut karobundulang olih keluarganya.

Pawos 69

Prade riwekas sang palas kacihnan adung malih, patut
ha. Ngalaksanayang pawiwahan malih,
na. Kadanda nikel saking palase manut pararem banjar

Pawos 70

(1) Sang balu kabinayang dados :

ha. Balu luh wit sentana rajeg miwah balu luh boya sentana rajeg;
na. Balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

ha. Ngamanggehang patibrata tan kengin ngamargiang paradara/drati krama,
na. Nguasayang waris pagunakaya, tan dados ngadol, ngadeang, makidihang lan
siosan punika, sajawaning kabebasaning olih pianak utawi kulawarga pinih tampek
sakeng kurenannya prade pianak kanton alit-alit,
ca. Kengin ngidih sentana prade wenten pidabdab sadurung sinalih tunggil padem,
saha kabebasaning olih kulawarga sakeng kapurusa;
ra. Kawenangang mawiwaha malih, prade wenten kabebasaning manut angka/aksara
ring ajeng, pawos 64.

Pawos 71

Balu kaucap tan pageh sakadi ring sor :

ha. Dratikrama utawi paradara;
na. Matilar saking pakubon tan pasadok jantos 6 (enam) sasih;
ca. Lempas ring swadharma sewos-sewosan, tan prasida ngehehin solah maprawerti arep
ring pituduh sane patut sakeng kulawarga purusa.

Palet 4

INDIK SENTANA

Pawos 72

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kanton kawastaning
babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala
niskala sane kawastanin sentana paperasan.

- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin
- (6) Sang sane dados kaarsayang sentana rajeg inucap wiwit angkat (5), inggih punika :
- ha Pratisentana wadon tunggal,
 - na Sampun kamanggehang dados pratisentana lanang (purusa).
 - ca Kapawiwahan kaceburin kautamayang antuk jadma sane maagama Hindu utawi jadma sane maagama siyosan sane sampun ngalaksanayang pamarisuda raga utawi sudiwadani,
 - ra Sane ngamangehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturan ring Prajuru Desa Pakraman

Pawes 73.

- (1) Ngangkat sentana kariinan antuk upacara pemerasan sane kasaksiang sekala niskala,
- (2) Sapa sire ugi krama pacang ngidih sentana patut masadok ring Bendesa sanistana 3 (tigang) saih sodereng pemerasan. Bendesa ngalanturan pakarsa punika ring sang ngawawenang,
- (3) Bendesa kawakilin olih Klian-Klian Banjar nyobyahang ring bebanjaran soang-soang sawidangan Desa, sang sapa sire ugi rumasa tan lila mangda nyadokang masengker kalih wuku (14 rahina) sahanen pemerasan ring Bendesa Pakraman,
- (4) Prajuru/Dulu Desa digelis mawosan saha ngicemin pamutus nenek ring catur dresta miwah pararem,
- (5) Prade sulut paperasan tan manut kadi kocap ring ajeng, Prajuru/Dulu Desa wenang ngandeg sang pacang mameras saha ngicemin pamutus mangda kapuputang riyin babawos, sulut utawi waceranya

Pawes 74

- (1) Paperasan sane kapiaturan ring Desa risampun malucihna :
 - ha Widi-widana paperasan,
 - na Kasakamin olih Prajuru Lima, sane makelingang utawi ngpikantayang,
 - ca Kasobyahang ring sawidangan Desa.
- (2) Sane kapiatur poma anggr sentana kadi ring sor :
 - ha Jajma maagama Hindu
 - na Papernahan nodunang salang sang merta,
 - ca Kulawarga salang purusa, prade tan winten kengin salang wadon, yan tan winten kautamayang salang wadon panti purusa.

- ra. Sinalih tunggil mawiwit saking kulawarga tunggal sanggah utawi mrajan, paibon lan dadia utawi ngambilin anak tiyos sakewanten sang maagama Hindu.
- (3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

Palet 5

INDIK WARISAN

Pawos 75

- (1) Warisan inggih punika tetamian arta brana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire :
- ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
 - na. Pamrajan;
 - ca. Pagunakayan, tadtadan/jiwa dana, hutang piutang.
- (3) Wawu kengin kabawos warisan prade wenten :
- ha. Sang mapiturun (pawaris);
 - na. Katurunan (ahli waris);
 - ca. Arta brana miwah tategenan makacihna warisan.

Pawos 76

- (1) Ahli waris luwire :
- ha. Pratisentana purusa;
 - na. Pratisentana pradana;
 - ca. Sentana paperasan lanang/wadon.
- (2) Prade tan wenten sakadi ring ajeng, kang sinanggeh ahli waris :
- ha. Turunan purusa pernah ngunggahang, rerama lanang, pekak salanturipun rerama misan, mindon;
 - na. Turunan purusa pernah kasamping makadi kaponakan misan, mindon.

Pawos 77

Swadharmaning ahli waris/patut :

- ha. Nerima saha nguwasayang tetamian pahan saking kaluhurannya, makadi ngarempo sanggah, Pura saha pangupakaranya miwah nyelidihinin ayah-ayahan pawaris;
- na. Ngabenang pawaris saha ngalanturan upakara-upacara pitra.
- ca. Nawurin hutang-hutang pawaris sane manut pangalokika.

Pawos 78

Pangepahan warisan manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan artha brana lan ayah-ayahan pada-pada sajabaning karang paumahan.
- ca. Sinalih tunggil ahli waris kengin tan polih pahan prade :
 - 1) Nilar kawitan lan sesananing Agama;
 - 2) Alpaka guru rupaka;
 - 3) Sentana kesah mawiwaha utawi dados pratisentana nyeburin soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha;
 - 2) Balu luh wiadin muani nyeburin (soang-soang boya sentana);
 - 3) Mulih deha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/bekel, makacihna paweweh tetep ring pianak sane kesah mawiwaha.

Pawos 79

- (1) Prade sajeroning pakulawargan wenten ahli waris langkungan ring adiri patut :
 - ha. Kawentenang paiguman indik pedum waris inucap;
 - na. Yen tan prasida katunasang tatimbang ring Prajuru, kengin katumusang ring sang rumawos (Pengadilan Negeri).

SAT SARGAH WICARA LAN PAMIDANDA

Palet 1 INDIK WICARA

Pawos 80

- (1) Sane wenang mawosin makadi mutusang wicara ring Desa inggih punika Bendesa;
- (2) Tata dudonan mawosin saha muputang wicara warga desa kadi ring sor:
 - ha. Kaping ajeng kabawosin olih Klian Banjar;
 - na. Tan cumpu ring panepas Klian Banjar, karerehang pamutus ring paruman Banjar;
 - ca. Taler tan wenten cumpu ring pamutus Bendesa lan Kerta Desa katunasang ring Paruman Desa Pakraman.

- (3) Prade, sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 81

- (1) Sahanan wicara mawiwit kacorahan saka luwire sinanggeh nungkasin daging awig-awig pararem miwah paswaran Desa/banjar, Prajuru Dulu patut digelis mawosin tan nyantos pasadok;
- (2) Sajaba wicara kadi ring ajeng patut nyantosang pasadok sang nunas bawos;
- (3) Panepase patut pastika nyantenang iwang patut malarapan Tri Pramana (saksi, ilikita, bukti) muwah tan maren ring Catur Dresta.

Palet 2

INDIK PAMIDANDA

Pawos 82

- (1) Desa/Banjar wenang niwakang pamidanda ring warga Desa/Banjar sane sisip;
- (2) Paniwak inucap kalaksanayang olih Bendesa/Kelian Banjar;
- (3) Bacakan pamindanda luwire :
 - ha. Ayahan panukan kasisipan;
 - na. Danda arta;
 - ca. Kanorayang;
 - ra. Panyangaskara.
- (4) Pamindanda sane katiwakang patut masor singgih manut ring kasisipane;
- (5) Jinah utawi raja brana pamidanda ngaranjing dados druwen Desa/Banjar.

Pawos 83

- (1) Krama sane langkungan ring tigang paruman ngalantur tan nawur urunan miwah dadanda wenang karampag;
- (2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih Krama seakehnya tigang diri maka saksi;
 - na. Sang ngarampag sangkaning darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
 - ca. Prajuru/Dulu miteketang mangda barang-barang sane karampag digelis katebus, masengker awuku (7rahina) ring kutus rahinane pacang kaadol;

- ra. Tan nganinin saluwirnya barang sane patut inggilang manut Agama miwah tan mademang pangupa jiwa sang karampag.

Pawos 84

- (1) Prade sang pacang karampag ngawara ngalanging palaksanaan inucap mawastu sampun tan nganutin Awig-awig Desa patut kasobyahang ring pasangkepan Banjar ngantos ping tiga, naler tan kaanutin wenang Karang Desa sane kagenahin kadaut olih Desane;
- (2) Samaliha yan purun taler ngalanging palaksanaan kadi ring ajeng tan wenten pamargi sajawaning kasepekang olih krama Desane;
- (3) Pamidanda inucap ring ajeng keni buntas risampun sane kekeninin;
 - ha. Nunas geng pangampura ring Krama Desa riantukan nilar pasubaya (pararem) pecak;
 - na. Nawur panangga pangual: pasubayan duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH NGUWAH-NGUWUHI AWIG-AWIG

Pawos 85

- (1) Nguwah-nguwuhin Awig-awig Desa punika kalaksanayang ring paruman Desa;
- (2) Awig-awig punika kamargiang ngawit kaingkupin (kararenin);

Pawos 86



- (1) Sakaluwirin sane wenten saderengnya patut kapakramayang ring sadaging Awig-awig punika;
- H (2) Sakaluwing sane during kabawos sajeroning Awig-awig patut kalaksanayang manut tatacara sane sampun memargi kadulurin antuk parareman-parareman.

ASTAMA SARGAH SAMAPTA

Pawos 87


- (1) Awig-awig puniki kararemin olih krama Desa Pakraman Abianbase duk rahina Redite titi tanggal/ping 15 Sasih Jiesta rah 4 tegek 2 saka 1924 tanggal maschi 26 Mei 2002 ring wantilan Desa Pakraman Abianbase.

- (2) Awig-awig puniki kaliangga tanganin olih Bendesa lan Prajuru Pakraman, kasarengin Klian-Klian Banjar, saha kasaksinin olih Klian Dinas Lurah miwah Camat pinaka Prajuru Saksi, saha kapukuh olih Bupati Gianyar.
- (3) Luwir sang ngalingga tanganin :
 ha. Kaprathama Prajuru, Desa Pakraman :



na. Kaping kalih Prajuru Dinas pinaka saksi :

1. a. Kepala Lingkungan Kajakauh



Drs. I Made Karda

b. Kepala Lingkungan Kelodkauh



I Dewa Setiawan

c. Kepala Lingkungan Pekandelan



I Wayan Sukarta

d. Lurah Abianbase



Anak Agung Sde Agung, S.Sos

e. Camat Gianyar



Drs. Ida Bagus Gaga Adi Saputra

Saha Kapikukuh ;

Olih Bupati Gianyar

Mengetahui dan telah dicatatkan

Pada tanggal : 4 Desember 2002
Nomor : 32 Tahun, 2002



TJOKORDA GDE BUDI SURYAWAN,SH.